



ALÞÝÐUSAMBAND ÍSLANDS

Alþingi

Erindi nr. P 128/1542

komudagur 6.3.2003

Nefndarsvið Alþingis
Austurstræti 8-10,
150 Reykjavík

Reykjavík, 5. mars 2003

Efni: Tillaga til þingsályktunar um samkeppnisstöðu íslensks atvinnulífs mál 191.

Alþýðusambandi Íslands hefur borist til umsagnar þingsályktunar-tillaga um samkeppnisstöðu íslensks atvinnulífs, mál 191, frá Iðnaðarnefnd Alþingis. Alþýðusambandið hefur farið yfir fyrrgreinda þingaályktunartillögu og hvetur til þess að hún verði samþykkt.


Tillagan felur í sér að ríkisstjórnin láti kanna möguleika á stofnun uppbyggingarsjóða sem sambærilegum þeim sem eru í Evrópusambandsríkjunum og Noregi. Tilgangur sjóðanna verður að efla atvinnu, endurskipuleggja það og styrkja samkeppnisstöðu atvinnulífsins.

Alþýðusambandið telur að mikilvægt sé að efla starfsemi íslenskra fyrirtækja og skapa þeim rekstrarskilyrði sem hvetur þau til að hafa meginstarfsemi sína hér á landi. Mikilvægt er að bæta samkeppnishæfni fyrirtækjanna hér landi og að sjá til þess umgjörð atvinnulífsins sé á við það besta sem gerist í samkeppnislöndum okkar. Forsenda aukins hagvaxtar og þess að Ísland haldi áfram að vera í hópi fremstu iðnríkja heims er sterk samkeppnisstaða atvinnulífsins. Íslensk fyrirtæki búa að ýmsu leyti við erfiðari rekstrarskilyrði en erlend fyrirtæki, meðal annars vegna smæðar markaðarins, fjarlægðar frá erlendum mörkuðum og þar með meiri flutningskostnaðar. Þess vegna skiptir jafnvel enn meira máli hér á landi en annars staðar að skapa atvinnulífinu starfsskilyrði sem eru ekki aðeins sambærileg við önnur lönd heldur betri.

Enginn vafi er á að stofnstyrkir af þessu tagi munu örva atvinnulífið og skapa forsendur fyrir áframhaldandi uppbyggingu þess og renna þannig traustari stoðum undir íslenskt efnahagslíf.

Alþýðusambandið lét þá skoðun sína í ljós í umsögn með frumvarpi til laga um tekju- og eignaskatt í nóvember 2001, að hægt sé að ná meiri árangri í að efla íslenskt atvinnulíf með því að veita stofnstyrki til fyrirtækja en með almennri aðgerð eins og lækkun tekjuskattshlutfalls fyrirtækja.

Virðingarfyllst ,


Ingunn S. Þorsteinsdóttir
Hagdeild ASÍ.



BYGGÐARANNSÓKNASTOFNUN
ÍSLANDS

Þingvallastræti 23
PÓSTHÓLF 211
602 AKUREYRI

Alþingi
Erindi nr. Þ 128/1541
komudagur 6.3.2003

SÍMI 463 0570
FAX 463 0997

www.brsi.is


Akureyri 4. mars 2003

Nefndasvið Alþingis
Austurstræti 8-10
150 Reykjavík

Bygðarannsóknastofnun Íslands sendir hér með frumrit af umsögn sinni um Tillögu til þingsályktunar þskj. 192 - 191. mál.

Skjalið hefur áður verið sent sviðinu á tölvupósti.

Með kveðju,


Dr. Grétar Þór Eypórsson forstöðumaður

BYGGÐARANNSÓKNASTOFNUN
ÍSLANDS



BYGGÐARANNSÓKNASTOFNUN ÍSLANDS

UMSÖGN UM TILLOGU TIL ÞINGSÁLYKTUNAR UM SAMKEPPNISSTÖÐU ÍSLENSKS ATVINNULÍFS

Iðnaðarnefnd Alþingis hefur með bréfi dags. 18. febrúar 2003 óskað eftir umsögn Bygðarannsóknastofnunar Íslands um tillögu til þingsályktunar um samkeppnisstöðu íslensks atvinnulífs, 191. mál. Bygðarannsóknastofnun gerir ekki efnislegar athugasemdir við tillöguna sem slíka enda felur hún einungis í sér að gerð verði athugun á því hversu fýsilegt sé að fara tiltekna leið til að styrkja íslenskt atvinnulíf.

Það er álit Bygðarannsóknastofnunar að almennt sé óskilegt að skoða á hvernjum tíma þær leiðir sem unnt er að fara til að styrkja íslenskt atvinnulíf.

Í tillögu til þingsályktunar um bætta samkeppnisstöðu íslensks atvinnulífs er lagt til að kannaðir verði möguleikar á stofnun uppbyggingarsjóða til að efla atvinnu á tilteknum svæðum og vísað til Evrópusambandsins og Noregs í þeim efnum. Þó í tillögunni sé rætt um að bæta samkeppnisstöðu íslensks atvinnulífs almennt, má af greinargerðinni ráða að tillagan snúist ekki síst um stefnu í byggðamálum. Í athugasemdum með tillögu til þingsályktunar um stefnu í byggðamálum 2002-2005 sem nýverið var samþykkt á Alþingi voru lagðar til beinar aðgerðir til að ná fram markmiðum áætlunarinnar. Meðal þess sem þar var lagt til (2. töluliður) var að stefnt skyldi að aukinni samvinnu opinberra sjóða sem vinna að eflingu atvinnulífs. Auðveldlega má tengja þá tillögu sem hér er til umræðu við áðurnefnd markmið þingsályktunar um stefnu í byggðamálum 2002-2005. Það er að segja að við framkvæmd byggðaaætlunar verði jafnframt litið til þess hvort fýsilegt geti verið að haga uppbyggingu sjóðanna með líkum hætti og gert er í Evrópusambandinu og Noregi.

Akureyri 4. mars 2003

F.h. Bygðarannsóknastofnunar,

Dr. Grétar Þór Eypórsson forstöðumaður Bygðarannsóknastofnunar
Kjartan Ólafsson félagsfræðingur



BYGGÐARANNSÓKNASTOFNUN
ÍSLANDS



Byggðastofnun Próunarsvið

Alþingi
Erindi nr. P 128/1271

komudagur 24. 2. 2003

Dagsetning
20. febrúar 2003

Iðnaðarnefnd Alþingis
Austurstræti 8 - 10
150 Reykjavík

Iðnaðarnefnd Alþingis hefur óskað eftir umsögn Byggðastofnunar um mál 191, tillögu til þingsályktunar um bættu samkeppnisstöðu atvinnulífs.


Hlutverk Byggðastofnunar er að vinna að eflingu byggðar og atvinnulífs á landsbyggðinni og miðast eftirfarandi umsögn við áhrif tillaganna á þá þætti. Tekið er fram að ekki hefur verið fjallað um umsögnina í stjórn stofnunarinnar.

Í tillögunni er lagt til að Alþingi álykti að fela ríkisstjórninni að láta kanna möguleika á stofnun uppbyggingarsjóða sambærilegra þeim sem Evrópusambandsríkin og Noregur hafa til að efla atvinnu á tilteknum svæðum, endurskipuleggja atvinnulífið og styrkja samkeppnisstöðu þess.

Byggðastofnun telur mikilvægt að styrkja samkeppnisstöðu atvinnulífs á landsbyggðinni og vísar til þingsályktunar um stefnu í byggðamálum fyrir árin 2002-2005, en þar er m.a. lagt til að aukin verði samvinna þeirra opinberu sjóða, sem veita lán eða fjárhagslegan stuðning til nýsköpunar og uppbyggingar. Markmiðið er að samþætta krafta opinberra sjóða sem þjóna fyrirtækjum í öllum atvinnugreinum, með höfuðáherslu á landsbyggðina, hvað varðar alhliða lánastarfsemi, hlutafjárþátttöku, stofnstyrki, áhættulán og verkefnafjármögnun.

Byggðastofnun er ábyrg fyrir framkvæmd málsins, og þar sem niðurstöður liggja ekki fyrir, tekur stofnunin að svo komnu máli ekki afstöðu til þess með hvaða hætti þetta verði gert.

Virðingarfyllt


Dr. Bjarki Jóhannesson
forstöðumaður Próunarsviðs